





ՀԱՆԳԻՍ
ԱՐԺԱՆԱՊԱՏԻՎ Տ. ԹՈՐՈՍ ԱՎԱԳ ԲԱՀԱՆԱ ՄԱԺԱՌՅԱՆԻ
(1891—1976)

1976 թվականի հունվարի 30-ին Երևանի
իր բնակարանում, 85 տարեկան հասակում,
վախճանվեց ս. Հովհաննես եկեղեցու տ.
Թորոս ավագ քհն. Մաճատյանը:



Հանգուցյալը ծնվել է 1891 թվականին
Թուրքիայի Դյորտ-Յոլ քաղաքում, արհես-
տավորի ընտանիքում: Հաճախել է տեղի
Մամիկոնյան վարժարանը և միևնույն ժա-
մանակ մասնակցել ս. Աստվածածին եկե-
ղեցու արարողություններին:

1914—1918 թվականներին ընտանիքով
աքսորվել է Հալեպ քաղաքի շրջան: Տա-
րագրությունից վերադառնալով իր ծննդա-
վայր, գործոն մասնակցություն է բերել
Դյորտ-Յոլի ինքնապաշտպանությանը:

1922 թվականին ընտանիքով տեղափոխ-
վել է Լիբանան և հաստատվել Բեյրութում:

1927 թվականին Մեծի Տանն Կիլիկիո
Տ. Սահակ Բ Խապայան կաթողիկոսից
ձեռնադրվել է քահանա և քահանայագոր-
ծել Բեյրութի ս. Խաչ և ապա Նոր Հաճն
թաղի ս. Գևորգ եկեղեցիներում, մինչև
1947 թվականը, որից հետո ընտանիքով
տեղափոխվել է մայր հայրենիք՝ Սովետա-
կան Հայաստան:

1950 թվականից սկսած քահանայագոր-
ծել է Երևանի ս. Հովհաննես եկեղեցում,
մինչև իր կյանքի վերջը:

Իր եկեղեցական աշխատանքների հա-
մար 1956 թվականին տեղ հայրը Տ. Տ.
Վազգեն Ա կաթողիկոսի կողմից պարգևա-
տրվել է քահանայական լանջախաչով,
իսկ 1957-ին Նորին Սրբության կողմից ար-
ժանացել ավագ քահանայության պատվի:

Սույն թվականի փետրվարի 1-ին հան-
գուցյալ տ. Թորոս ավագ քահանայի վերջին
օծումն ու թաղման կարգն է կատարվում ս.
Հովհաննես եկեղեցում՝ ճախագահությամբ
Արարատյան թեմի առաջնորդական փոխա-

նորդ տ. Կոմիտաս արքեպ. Տեր-Ստեփանյանի, մասնակցությամբ քահանայից դասի, եկեղեցական խորհրդի անդամների և հավատացյալների բազմության:

Հանգուցյալի կյանքի և եկեղեցական գործունեության մասին դամբանական է խոսում սուաջնորդական փոխանորդ սրբազան հայրը՝ վեր հանելով տ. Թորոս ավագ քահա-

նայի ծառայության արժանիքները, որպես հավատավոր ու հայրենակներ եկեղեցականի, որն իր կյանքը նվիրել է ի պայծառություն եկեղեցու և իր ժողովրդի հոգևոր սպասի:

Հանգիստ տ. Թորոս ավագ քահանայի ոսկորներին:

